

四庫全書

史部

欽定四庫全書

延祐四明志卷五

元 袁桷 撰

人物攷

史浩

史浩字直翁祖父詔善居閭里民有鬪訟嘗從詔求直
不復訟官府以八行科徵于朝不應浩以南省前行當
得教官浩願習民事初補餘姚縣尉後沈煥袁燮以舍

法辭教官繇浩始為國子博士召對高宗目送之時建
普安恩平二王府即除祕書郎兼普安郡王府教授上
嘗命普安王書蘭亭叙五百本以進浩曰此趙鞅訓戒
之旨王溢其數以進上復賜宮女十人以侍王浩曰當
以庶母禮事之王如其言高宗益賢普安遂為皇子封
建王浩之力也完顏亮逼江上將親征建王上奏請將
兵為前驅浩時在告力疾詣府啟王曰昔唐肅宗能從
明皇幸蜀靈武事安有王大驚亟具奏謝罪遂從高宗

視師以歸由是立為太子普安即位是為孝宗浩遷中書舍人十日為翰林學士逾三月參知政事明年拜尚書右僕射同中書門下平章事兼樞密使孝宗銳意恢復張魏公浚屢奏取山東開都督府請上幸建康浩曰太上倦勤禪位陛下若奉以行太上寧能肯與俱往都城一有警動陛下何以處太上孝宗悟其言後竟繇禁中命邵宏淵等出兵公語僕射陳康伯曰吾屬兼樞密兵出不與聞所宜去遂見上丐罷浩歸甫十四日符離

師漬凡一十三萬人浚上表自劾復勸上速議和後知
紹興府復判福州淳熙五年拜右丞相在相位七月即
罷浩再相時朱熹教授生徒于建寧山中浩力挽之繇
是出守南康雅度涵蓄凡議毀浩者浩悉獎引之善薦
士陸游賜進士出身繇浩力在經筵嘗薦薛叔似陸九
淵葉適等十五人又薦金安節汪應辰三十四人後皆
顯達兩授節鉞遍歷三公壽八十九以終始諡文惠後
更忠定追封越王歷官表奏皆手屬藁耄歲猶不倦文

集五十卷號真隱漫錄論語口義二十卷尚書講義二十卷周官講義十四卷長子彌大終禮部侍郎力學勵行著衍極朴語謚獻文彌正敷文閣待制彌遠別傳彌堅別傳

魏杞

魏杞字南夫繇焦山徙于鄞紹興十二年進士第歷縣有能名後遷宗正少卿丞相湯思退薦于孝宗言可備使聘遂假禮部尚書使金國行次盱眙金人以萬騎脅

之杞不為動卒奉禮幣以往于時隆興議和改君臣獻納禮孝宗以書封授杞杞行近北界心動亟回白上曰國書封滕不知為何事彼震怒凌辱將倉猝占對失國體願陛下諭意臣願以死承詔上大悟始盡語書旨初上不言者思杞畏惡辭行耳杞至金金主果怒絕飲食困杞杞言宋皇帝意銳恢復將使兩國之民俱受塗炭羣臣交奏迭諫故更進和議誠與太上皇帝時言和不同也使不允杞死此耳金主悔卒正敵國禮減歲幣舊

數以歸孝宗大喜除起居郎遷給事中乾道二年拜同知樞密參知政事明年拜右僕射時大雷葉衡與杞俱罷為太平興國宮使史浩舊與杞為餘姚尉交代入言于上得視宰相恩數除觀文殿學士後以所薦吏犯賊降端明殿十年復大資政而杞卒謚文節杞能詩居小溪遍游諸名山習方外學絕不言時政文集三十卷號山房集晚著三蘇言行編初杞祖父葬焦山後居明登宰輔移葬于鄞葬師云若果遷將不利相君不從後以雷

變罷宰相褫職孝宗朝葉顥魏杞為最重

汪大猷

汪大猷字仲嘉年四歲對客誦孝經止十七章客問十
八章何以不誦以具慶對客大奇之登進士第為婺州
金華丞李椿年行經界法量田不實者論徒罪大猷言
法峻民未喻蓋有田多而增多者少固受罪多何所從
取李然其言減其罪乾道元年擢禮部員外郎積遷吏
部侍郎兼權尚書是時法度數變更吏得高下大猷上

疏論其事定為勅令格式後率以其凡例增補之七年
除敷文閣待制知泉州海中有大洲居民雜植五穀有
海蠻乘船掩獲之調兵討之輒入水不可捕春夏遣戍
煩擾大猷立屋柵以居蠻乃遁三佛齊欲鑄銅瓦于泉
詔許之大猷言銅不宜入海卒不與以敷文直學士改
知隆興府茶寇賴文政起湖北轉掠湖南入江西大猷
遣將蹇之將輕寇大猷自劾以歸降龍圖閣待制上怒
謫官南康二年後始復祠有言于南康者笑曰大猷今

年逾五十使以恩科得官為是尉不賀我乎紹熙二年致仕慶元五年升學士卒時年八十大猷性坦夷敦叙姻黨遇大禮先奏兄弟之子割田二十畝為義莊首倡予立中為郡守始登第為立符桂坊

高元之

高元之字端叔武烈王瓊之七世孫建炎間衣冠南渡父寓籍明州因家焉家貧無書得易編口誦不輟數月忘盥櫛隣士有書深憐之稍借以觀後受易春秋學于

沙隨程迴時傳伯成為郡教授少許可折節與之交遊
繇是鄉學者數百人師事之元之作變離騷九篇曰慙
畸志曰臣薄才曰惜來日曰感回波曰力穡曰危衷曰
悲嬋娟曰古誦曰繹思行于世宋諸儒擬騷弗能及也
集春秋說三百餘家號義宗悉本經旨凡百五十卷易
詩論語後漢厯志解各一卷詩三十雜著五百號茶甘
甲乙藁五上禮部卒不第而門人俱顯仕將死手屬書
樓宣獻鑰以陽公

闕

南省白欄求誌文貧不能葬門人

會葬于桃源鄉蔣山買田立祠于寶嚴院歲時祀之今廢號萬竹先生元之事親孝貧能輕財復喜言兵凡陰陽方技九流之說悉能究其指歸

陳居仁

陳居仁字安行父膏太府少卿壻慶厯汪先生家因占籍焉膏為御史時四明有僧法恩謀不軌事露得其籍從附者餘萬人朝議將屠城膏力爭之止殲其首而在籍者亦俱免居仁登進士第丞相虞允文見而奇之欲

俾習兵法居仁謝曰立事功宜先定大計若大言無益也潁州韓元吉見其文言宜為制誥翰林學士洪邁典貢舉居仁時為中書舍人命攝其事孝宗曰今兩制獨居仁奉行信官宜擇人醫王涇誤以藥進德壽宮高宗崩議罪編置居仁率後省官爭之卒杖都市配筠州居仁言慶赦之弊僅足惠姦猾而小民不與願放下戶身丁稅以寬民力上從之歷知鄂州建寧府鎮江府福州為鎮江時有僧投牒言嘗結廬江潁地與江陰犬牙相

接率為邏卒煩擾不便居仁察其姦利命尉掩其室得盜數人卒夷其居後以華文閣直學士終于家謚文懿居仁孝友其在官奉其叔父及甥妹以行斥田二頃為義莊以贍宗婣舅尚書汪公大猷以學士致仕居城中居仁暨樓宣獻鑰皆汪出亦以直學士在家時人榮之

趙彥逾

趙彥逾字德老紹興三十年進士第作邑有吏能孝宗亟用之守蜀多惠政李心傳誌紹興以來蜀帥可稱者

數人彥逾與焉其在蜀餽遺不入公府將出蜀以其俸
餘聚九縣之宗族分給之為工部尚書孝宗崩光宗以
心疾不能成喪禮汝愚時為樞密彥逾勸汝愚立嘉王
見殿前都指揮郭杲諭意杲未及對彥逾力責之杲始
受命後推定策恩汝愚謂彥逾曰吾屬宋臣難議功未
幾汝愚為丞相彥逾以端明殿學士出帥蜀始憾汝愚
將行盡疏一時名士為汝愚黨慶元黨禁繇是興彥逾
後守鄉里以觀文殿學士終于家子玆夫守袁州寶慶

初真文忠公德秀薦為廉吏第一

樓鑰

樓鑰字大防，昇孫，舉進士，中教官科。為宗正丞時，閩蜀士大夫各植黨，與入對，歷言前代朋黨之弊。光宗即位，為起居郎，兼掌內外制。光宗病不能持喪，傳位皇太子。鑰草詔曰：「雖喪紀自行于宮中，然禮文難示于天下人。」服其婉遷。給事中朱熹為侍講，有旨除職，與郡鑰言：「熹始除宮祠，深駭觀聽，復除職，是聖意不在熹也。然熹難」

進易退孰若授以內祠仍畀修史異日復侍講筵則君臣之道備時韓侂冑用事日貴臺臣希旨論汝愚言定鼎乘龍之夢語涉不道鑰曰嘗聞汝愚言夢先帝以金湯壺賜之若是則謂之定鼎可乎又嘗夢會朝望白龍以升天未幾上衰服嗣位若是則謂之乘龍可乎吏部侍郎彭龜年入內殿力奏知閤韓侂冑擅權漸不可制上大怒黜龜年外除侂冑罷知閤進秩與祠鑰與林大中共疏言黃裳已死黃由守喪沈有開陳傅良相繼

罷去凡此五人皆嘉郎舊臣惟龜年猶在今又去之則
陛下舊寮無遺矣侂冑憾之不數日改吏部尚書實奪
其言事也黨禁興即丐歸未幾遂致仕居家凡十有三
年後侂冑嘗曰樓大防善士也何一書不入都城耶且
諭意鑰時聚書東踰樓萬卷皆手讐校號善本客有願
傳錄者輒欣然啟帙以授人有言太師語子弟相顧即
索具紙筆鑰從度中取顏氏家訓言士大夫晚歲名節
事置紙上即入去客疑援某事發書櫝爭視之愧即撤

去紙墨須臾就坐客不敢言鑰亦不問即舉酒如平時
嘉定元年以翰林學士召拜參知政事自號攻媿文集
百二十卷謚宣獻鑰性樂易中原師友淵懿悉窮其淵
奧經訓小學精据可傳信嘗定注春秋未脫藁守永嘉
見陳傅良書已成即焚已作冠以叙引其伏善類此史
彌遠用真德秀掌內制鑰所引薦德秀嘗曰聞公清言
竟日或極論達旦退而書紳不為塗人之歸皆公教也
子淳終屯田郎中其問學似其父幼子治終權兵部侍

郎

卷五

楊王休

楊王休字子美象山人初為黃巖尉邑有豪民植姦黨號三神王休捕得之具罪狀于府黥徙他鄉郡縣稱為鐵面少府授南康軍判官朱公喜時為守郡事悉委之蠲經界賦後守洋州金州大興學宮考商於險塞以備邊絕餽遺唯軍用得取于公帑除利路轉運判官金州大灾悉發庫錢賑之兼提點刑獄王休治蜀多善政大

脩棧閣鑿鬼愁灘堰墓頤山分西城漢陰平利三邑馬
綱以便民築漢嘉西門石梁蜀民德之後為禮部侍郎
光宗時名監司凡四人丘室馬大同辛棄疾王休其一
也子燧為吏部尚書後以閣學士終于家

趙粹中

趙粹中字叔達其先密州人幼歲能詞章登進士科孝
宗銳意復北疆虞允文王藺趙雄以言兵驟進粹中進
恢復機密十論制敵權鑑四十卷富疆要策十卷孝宗

極喜之一歲九遷由祕書郎權起居郎給事中後除吏部侍郎所奏對多言邊防粹中嘗上疏罷王安石父子從祀乞正雪岳飛冤狀又集司馬光范鎮董弁等奏議正宋太祖東嚮之位議不行寧宗即位卒如其議後以待制知池州大閱軍校一日用公帑錢三百萬郡政脩舉民生祠之後以遞卒獄失出罷家居十年迺卒粹中善筆札子蠲書似其父蠲幼孤終身不肯仕嘗隱茅山欲為道士親黨共止之然蠲卒不仕郡守屢薦于朝特

許循資罇亦謝不受

張良臣

張良臣字武子一字漢卿家拱州父避寇來明州因占籍焉善為詩清刻高潔不蹈襲凡近凌厲音節讀者悲壯尤長于唐人絕句語盡而意益遠詩至于盛唐極矣杜牧之李商隱晚出以絕句為專門至宋王安石力倣之病多而不能終似黃庭堅以不使句俗為上律呂乖忤而體益變陳與義借古語為援不為事物牽掣似

黃而益奇詩之變無餘蘊矣風雅道喪獨良臣穿幽納
明復唐格律後宋詩人咸推服之而諸禪僧吟哦諷詠
遂悉宗尚而詩稍復其變焉良臣于舉子業非所能隆
興元年試南省魏文節公杞時為參詳攜三策以見知
舉張燾曰此文拙古必故人張武子所作使欲得士願
以進燾許之後撤試果良臣也杞晚居小溪山中日從
酬唱其作詩或終歲不出一語官止監左藏庫詩集十
卷至咸淳間彌甥徐直諒始裒刻于廣信郡

史彌遠

史彌遠字同叔忠定罷相歸東湖與弟彌堅先後生忠定深器之嘗曰吾以不言兵後必有為宰相者二子優劣吾未能審也一日攜客游湖寺二子從忠定陰戒從者進食踰晡時彌遠獨凝坐絕怒色忠定始異之登進士第折節下士與東萊呂祖謙相游從忠定下世以大理司直遷諸王宮大小學教授出知池州提舉浙東常平入為起居郎兼資善堂直講權禮部侍郎韓侂冑為

平章軍國事師敗江淮蜀吳曦反彌遠與皇子榮國公密議入啟皇后名夏震傳詔殛死之初餘杭趙汝謫汝談集歷代皇后事號曰坤鑒進后禁中后頗向之會彌遠議誅侂冑后計遂決而汝談兄弟終彌遠世不得入朝嘉定元年知樞密院事後拜右丞相去偽學禁贈朱熹叙復故丞相趙汝愚呂祖泰等官召林大中樓鑰故老十五人入朝十五年皇子榮公薨立濟國公竑為皇子時彌遠相已久皇子在府中與左右陰言丞相輔政

有不便語寢聞丞相惡之乃密以越州宗室子與莒為
沂王後更名貴誠援高宗立普安恩平二王故事將復
立為皇子十七年八月會寧宗大漸亟白皇后言貴誠
賢德皆先帝猶子遂宣遺詔立為皇太子即帝位是為
理宗復為相十年紹定二年薨于賜第贈中書令追封
衛王謚忠獻在相位二十六年其行事見宋史及羣賢
奏議理宗特御製神道碑額曰公忠翊運定策元勲之
碑子宅之幼習明國家典制理宗入繼大統宅之甫弱

冠預其議後官至同知樞密院事為戶部尚書括浙右田虛籍幾百萬理宗大悅後按其田皆諸道舊隸始罷徵而田籍宋社亡猶在至今病之幼子宇之官至觀文殿學士諷儉不自奉冬月居敗屋葛綈敝衾後疾革問疾者入卧榻皆驚異之

張處

張處字子宓唐建中宰相鎰之裔家慈溪清水上莊號清水張氏家訓嚴整子孫多孝謹歲時田作無大小咸

承命有將赴南宮者宗長命曰第幾郎特免摘茶處習
詩易復工詞賦寧宗即位為別院省試第一故事天子
諒陰免策士潛邸進士當自陳陞名處不肯調臨江教
授樓宣獻見而器之俾闔族子弟師事之暨為翰林學
士復舉以自代為浙東安撫司屬官帥檄處剡縣督舊
逋處謝不能除太學正叙遷博士時金將亡上疏言昔
聞其衰則喜今聞其衰當愍今雖足以偷一時之安閒
而所當深防者實在於自治遷祕書丞兼王府教授以

疾出守南康郡有朱文公儀禮黃幹所刻而喪祭禮未
備處求善本補之改處州政不病民而除其病于民者
性澹泊復奉祠家居端平元年天子遴選經筵官以國
子司業兼侍講召處講月令至孟秋決獄訟必端平反
復數百言復成月令解十二卷以進陞國子祭酒工部
侍郎龐眉冠帶諸生望之肅如也年八十卒後謚文靖

袁韶

袁韶字彥淳幼從正獻公變學于城南淳熙癸卯與鄉

書明年當赴禮部願卒受業是歲闔郡上禮部俱不第
公獨以舊牒登淳熙丁未第嘉泰中為吳江丞蘇師
旦恃韓侂胄威福撓里中役法黃公榮為常平使者檄
公覈田以定役蘇密諭意言吳江多姻黨倘相容當薦
為京朝官公不聽是歲更定戶籍承徭賦者皆蘇黨蘇
諷言者將論去黃公丞以是事白于朝且薦之未幾蘇
敗公得為桐廬宰桐廬多宗室持縣事無有善去者公
始至絕謁莫敢撓錢唐岸歲為潮齧率取石桐廬備禦

公言廟子山左右皆石不必旁取鄰郡遂得永免嘉定
辛未召為太常寺主簿縣父老旗鼓蔽江以餞至于富
陽泣謝曰吾曹不復輸石矣後為左司郎中接伴金使
者使者索歲幣語慢甚公曰昔兩國誓約止令輸燕不
聞有旨存汴使者語塞是歲真文忠公德秀亦言幣當
絕公實啟之嘉定庚辰尹臨安自是幾十年理訟精簡
道不拾遺里巷爭呼為佛子所治疑獄不可勝紀至今
遺老猶能言之杭城多火災訟公十歲無是患其後林

介繼之法盡弛太室省部皆燼紹定戊子拜同知樞密院事李全反山陽時相欲以靜鎮揚州告急飛檄載道杭州爭有逃避者拜浙西制置使仍治臨安以鎮遏公謁相言揚失守則京口不可保淮將如下整崔福皆可用適崔奉閫命來樞府公夜與同見相故事無暮謁相府公言崔實可用雅量鎮浮恐非今時所當先相疑逼已不悅卒罷政歸里端平奉祠薨時年七十有七贈少傅後以郊恩累贈太師國公

臧格

臧格字正子鄞縣人慶元五年進士第與慈溪張處為友處自以為不及也嘗曰正子才爽邁下筆痛快相從四十年與處守樸學者良異為太常丞定謚三先生周元公曰大哉元乎易為乾元之首春秋為始年之法天下之理蓋未嘗無其初也古道修明人心純一聖賢之功固無自而見不幸而渙散殫殘之餘有能復振遺響俾絕者自我而續晦者自我而明是故有元之義焉孟

軻氏沒異端滋熾重以專門于漢清談于晉至唐則文
藝沈痼以迄五季之陋幾于蠹蝕不存矣宋興鉅公名
人烏爽後先其聞道亦不為淺大槩更相推激不離乎
文字論議之末而挈提宗旨有濂溪先生出焉先生道
學淵懿超然自達夔出乎萬物之表而其最深切者太
極有圖所以發其理之幽祕易通有書所以闡其圖之
精微圖有無窮之義書有不盡之言學者潛玩而服行
之探二氣五行之運見中正仁義之本識人物動靜之

別斷斷乎其有功于斯世也近世朱文公某張宣公某
呂成公某尊敬斯學或列之篇詩或記于書後或辯于
注釋之詳或嚴于問對之確先生之名益闢大光明于
時矣謹按謚法主善行德曰元先生博學力行會道有
元脈絡貫通上接乎洙泗條緒精密下逮乎河洛以元
易名庶幾百世之下知孟氏之後觀聖道者必自濂溪
始謹議明道先生曰濂溪傳者有二程先生載惟二先
生天分不齊及其體道成德則同歸一致有司舉節惠

之典未幾從而區別然二先生所得又豈容以差殊觀
哉謹攷伯淳先生窮理盡性開示後學潞國太師叶之
公言以表其墓曰明道先生夫道之不明天實憫之今
天篤生賢哲資稟特異天意固有所屬矣居洛十年充
養備至融會貫通內外洞徹人見其氣貌肅然不敢即
也而和氣充浹見面盎背遽色厲辭亡有也人見其接
物粹然若可易也而望之崇深截截乎規矩準繩不敢
慢也局度清越故世若將挽焉而克勤小物雖鄙賤猥

瑣弗之憚也立言灑落近而易知扣之則無窮出之則愈新也竊議先生者所見自不一而不知先生道積于中固純乎弗雜也抑嘗究極先生所以用力之地矣謂心不可以一事留謂學不可以一善止有適有莫戒其非天下之全客氣未消防其為義理之勝以至去新學之支離非釋氏之不相聯屬忌學者之先立標準斥記誦者之玩物喪志蓋圭角少露皆先生之所不予若訓息為生則曰中無間斷推明易理即曰敬無間斷純亦

不已此天之所以為天也先生妙造精義渾渾無涯其
體統盡在是歟異時身居御史不用文字以懲詆訐之
失元祐羣賢悉處散地先生獨有憂色使之協濟于朝
以施調一之功安有紹聖報復之禍哉按諸諡法中正
精粹曰純先生博大闡深與乾同體非中正精粹而何
伊川先生狀其行曰純粹如良金呂本中撫諸先賢之
論曰溫然純粹張宣公嘗為之贊亦曰會其純全今諡
以純庶足以賓其實當伊川先生曰講道一門天下皆

知有河南二程之學明道早世天下學者以其事明道者事伊川焉緬惟伊川先生材資勁正法度森嚴凡其造理淵源發微指極者無非明天地之正理行天下之正道貫通融液有不待閑邪而誠自存者竊窺仞牆方且自敬而又曰入道莫如敬不敬何以致知曰主一之謂敬不一則二三矣至于涵養則是敬急迫則非敬其著察之深似若一毫不敢少肆先生之學專以敬為主充養既至固宜粹然一出于正也由是用其所學上足

以正君心下足以正人心先生被命經筵凡所建明殆不一疏宮庭至嚴閑也欲備知皇帝動息以隨事規切六闕起居有時也欲講官同日晉見從容納誨番直以冀數召輪侍以希陳說乞坐講以表崇儒之實不避嫌名以抑尊君之道凡所以薰陶人主之德性者固無嫌乎詳也每念先生一遇進講則宿齋預戒期以感動上心豈是求精于章句之末煩舌之嘵嘵哉當人欲蔽瘡之餘必使天下知有大學之書嘗攷易傳等書莫非經

世之大法誨人之要說也然精微嚴密之旨所以扶世
立教者惟上足以正君心下足以正人心指歸為最切
謹按謚法庶物從之曰正請謚以正孰曰不宜格久在
郎署家貧願得補外史丞相靳不與久之微有怨語丞
相善鑒人蹙額曰臧君骨清非守土相吾遲遲不外除
誠愛臧君今若是以鄉里旁近與之遂守台州迂吏至
門果卒

陳卓

陳卓字立道居仁子甫壯歲登進士第宦意泊如也守江州寧國有清白名其守寧國也以中書舍人補外道繇臨安將之官丞相以故欲見之卓謝不往丞相深器之繇是卒為翰苑官李全反淮安朝廷靳護事益露卒褫全爵卓詔至淮人益自勵太廟灾卓罪已詔京師爭感動丞相願貶秩繇是詔端平元年鄭清之為相二年真德秀以翰林學士為參知政事卓為簽書樞密院事二制俱下未幾即丐祠歸里平生不營產業以贊書所

酬金築世綸堂人或戲之曰此真金屋也退居十有六年薨年八十有六謚清敏將葬事不能具丞相吳潛聞之為作書聞帥以助孫定孫侍祖父力學孝謹出處進退每怡色以告遂深奇之其謚清敏也一時朝士皆後進定孫力請于朝卒得請其奉諱日哭泣薦祀如平生亦以耆年終

樓昉

樓昉字暘叔與弟昞俱以文名少從呂成公于婺其文

汪洋浩博宜於論議援引叙說小能使之大而統宗據要風止水靜泊然不能以窺其渙故其從學者凡數百人最顯者鄭清之應儼鄭次申趙與權善章表李璧黃裳為侍從所為文俱出昉手嘗編歷代文章為一編業進士者咸誦之宋世鄞士善論策台越進士歲率數十人來相從繇昉手守興化軍以卒清之既相追贈直龍圖閣率其弟子祭于墓復立甬東書院

袁甫

袁甫字廣微父正獻公教授城南年尚幼諭諸生以立志為先甫首領其旨後問道于慈湖楊先生先生曰學以自得為貴正獻之言也心明則本立矣繇是慨然以斯道自任舉進士第一為校書郎當遷願侍親東歸通判湖州十有五年為外官守衢州饒州遷江東提點刑獄一以傳心為本講授學者復取孝經衍其說告于屬邑與象山修白鹿為中庸詳說而講明之朱陸之說分各立黨與遂為之言曰道一而已和而不同乃所以和

也道無終窮先賢之切磋有不同者將歸于一則未始
不同也江東大饑所存活十餘萬人諸郡咸立祠以奉
端平元年始召為祕書少監以論史嵩之和議罷嘉熙
元年除中書舍人復以和議論嵩之罷時金將亡事類
靖康戰非素技必曰和然正論者所恥後賈似道諱和
國以亡而宋三百年卒未見以戰利二者俱難言也後
除兵部侍郎兼給事中國子祭酒以權兵部尚書在位
卒諡正肅居家嚴正中年絕嗜慾一室湛如子弟終日

侍立未嘗有惰容子從守永州善尺牘力倣其儀矩孫
裒能詩文諳臺閣故事其亡也鄉里惜之

趙與懼

趙與懼字悅道父希言令仁和有稱築臨平新堤護田
四萬頃後為右司佐丞相言楮幣必當便民舊幣謗民
民何所用俸稍兩用官吏則猶當受之後奉祠以卒與
懼美儀觀音吐如鳴鐘相者言貴在是然貧亦在是後
官節度使家資無百金餘希言知沂王嗣觀察使與昌

賢以告丞相丞相心善之先屬矣聞其語意益喜陰以托希言希言死寧宗命丞相召觀察入禁遂命與惟同載以入繇是驟陞刑部郎凡所議擬理宗深信之金亡歸明人集兩淮築館致餉不絕河南察罕范用吉求內附力言侯景之害理宗悟不受後尹臨安上陰受輔郡獻納與惟憂之願以酒所羨餘入貢益論理財之害為國危亡本罷諸郡獻納史嵩之起復三學交論上命與惟調護寢其事上言人言可畏非俾致仕不可後卒如

其議善薦士馬光祖吳革李伯玉牟子才楊棟陳仲微
後皆為大官侍經筵進春秋集解性孝友拜安德軍節
度使戶部月以海艘致俸至則分三族合旁近宗黨完
聚于家死之日貧不能葬理宗憫之賜田以養其子若
干人贈太師謚清敏子孟傳壯歲守嚴州有廉直名屢
守名郡必載弟妹以行車數十兩後為江東坑冶使者
丞相賈似道同其至城下論去貧不能載其弟妹歸衆
咸憐之尹臨安受丞相陳宜中謀殛殿前帥韓震震黨

率所部排禁城門以行晚守鄉郡臨安自紹興皆已納
土謝太后詔諭自明繇台孟傳奉表如詔旨復以宣撫
使守郡至元十五年世祖皇帝詔入覲拜浙東宣慰使
以歸二十一年復召入都除集賢學士卒于都第三子
孟何咸淳七年進士第通春秋去褒貶凡例為法度編
陵陽牟應龍以同年銘其墓曰吁嗟先生白首窮經無
財而富無爵而榮

史彌忠

史彌忠字良叔鄞縣人進士第初為鄂州咸寧尉官滿
歸里橐中裝視之官時良多里人羨企之其父慚怒彌
忠懇召里人畢集悉發篋以示皆書帙也監文思院門
楊文元公署薦剡曰質直而才遜德無競宰廬陵邑有
能名後守南安會盜甫平為政尚安輯蠲白撰錢以便
民守吉州治如南安蠲田租十有八萬閩寇大作提舉
福建常平鹽茶事薦陳樞密韓為招捕事定功賞一不
受真文忠公時居建寧遺書美之時從弟彌遠久在相

位數勸其歸年未七十首乞致仕後子嵩之為丞相除
寶謨閣待制繼除龍圖閣學士凡十一封至金紫光祿
大夫夫婦就養相府數告歸遂除資政殿學士賜笏頭
毬紋帶終于東湖之里贈少師保寧軍節度使鄭國公
諡文靖初為尉咸寧趙方尉蒲圻己酉歲嵩之生庚戌
歲方亦生子葵兩家交持羊酒相賀日者云二尉子皆
極貴後彌忠薦方于朝為太師而嵩之葵范俱立功襄
漢二子先後為丞相葵范端平開邊嵩之帥襄力言不

可繇是交惡嵩之入相葵在外奉書幣于其父援鄂州事契怨稍解然亦竟不能平也嵩之別有傳

史彌堅

史彌堅字固淑忠定王浩之幼子少警敏端靜忠定奇之忠定召赴慶壽班退朝有憂色彌堅時侍側問其故忠定愀然曰李妃悍惡上欲廢之念未有以對即應曰嘉王即位母子位號必改正今所言議者當執咎忠定愕然曰計得矣翌日見上議遂寢上問忠定卿幼子當

已擇婚對忠定謝臣子彌堅幼未知學何敢議姻事上
曰朕兄女年相若朕定議成之兄女崇憲靖王伯圭女
也後以軍器監尹臨安韓侂胄敗兄彌遠入相以嫌出
為潭州湖南安撫使平湖寇羅孟傳守建寧行義倉法
真文忠公紀其政績守鎮江力薦劉宰于朝以兄久相
位數勸歸不聽遂食祠祿于家有十六年判牘神敏舊
有書判清明集皆能吏極選彌堅與焉後以資政殿學
士光祿大夫卒賜諡忠宣吳泳行詞有云在熙寧則不

黨于熙寧如安國之于安石在元祐則不趨于元祐如大臨之于大防

史嵩之

史嵩之字子申曾祖木建炎元年金兵猝至率姑姊母妻五族暨其隣保航海得完者踰二十人木孫五人皆登進士第嵩之少儻喜經濟嘗與內弟陳埴講學山寺寺僧厭之嵩之怒夜焚其廬去後登第從父丞相彌遠曰新調官當何之嵩之願官襄漢彌遠在相位最久

向仕內郡實不知襄漢表裏心大喜即調為襄陽戶曹
襄帥陳垓歲索調用增院塞丞相不能拒嵩之密疏地
里言某地當撤戍某當增防丞相如其言下之帥大驚
軍費減十六不十年與垓為代端平二年趙范趙葵弟兄
用師河南丞相鄭清之主議嵩之奏不可師大衄繇是
三姓交惡拜參知政事督視諸道兵拜丞相加都督嘉
熙四年入相解光黃圍城渝州皆嵩之善用將士功然
不喜儒士迂緩會父彌忠卒將起復三學交論之未幾

臺諫合疏服闋勒致仕居家十三年以卒嵩之晚歲願
守蜀且圖江上陽羅堡為要塞後卒如其言贈少師安
德軍節度使諡莊肅弟岩之更四路安撫資政殿大學
士

鄭清之

鄭清之字德源少母胡氏將就蓐三日甌鳴甫生嫡母
欲不舉丘嫂邊氏請于舅姑願已乳之既貴奉還氏如
母卒為之服菽以報教授峽州江陵帥趙方善風鑒夜

夢有告者曰明日當有貴客至宜敬禮之遲明典客以
峽州教授謁入方從廳屏閱清之狀貌鰲瘠且短小殊
不稱所告夢賓次坐逾日昃方往來益視清之危坐迄
不惰方大器服設高會見其二子挾使受拜禮且曰公
他日大貴願以累公後為相卒拔其二子曰葵為丞相
曰范為襄陽帥後王師入洛皆葵范贊啟之初召為國
子錄史丞相彌遠密語曰皇子濟國公未正儲號動止
躁淺似不宜負荷沂王宮新立嗣子容止端謹煩君為

講官善輔導之即除魏惠憲王府教授寧宗崩以沂王所後子即帝位是為理宗寶慶元年除起居郎逾年權給事中進翰林學士未幾拜簽書樞密不十年為丞相遂召真德秀魏了翁崔與之趙汝談徐僑尤焞洪咨夔王遂李宗勉杜範游似袁甫李韶凡數十人為侍從等官是為端平元年三年行明堂禮九月大雷電罷家居凡十年淳祐五年入朝拜奉國軍節度使兼侍讀七年拜太傅右丞相九年進左丞相凡四登相位耄年章表

皆手屬藁愛獎文士應繇劉克莊嘗力薦之卒致大用
端平初相四方稱為小元祐及再相會行公田新楮幣
上方獨斷郡守大帥時有內署清之力不能止十一年
薨贈尚書令魏郡王諡忠定

應繇

應繇字之道昌國人以詞賦試南省第一繇未第時袁
越公韶為京尹繇為之掌牋記留門下一夕坐有美堂
欣然若有得同門客吳必大善樂府暮從外歸問曰何

欣然也以擬明堂詔書屬對甚善答之吳哂曰一第脫
饑寒猶未能明堂詔何施焉僉後直內制卒用所擬語
而吳以樂府游公卿困躓以死教授臨安府鄭丞相清
之見其文奇之始叙為同舍生樓昉教授鄉里時僉最
後至清之固不識也清之將拜相俾草相麻後卒用之
僉以著作郎兼學士院權直端平開邊兵敗洛陽僉預
邊議坐斥而清之亦罷相居東湖益與僉蒐拾文史號
建章集皆制誥所需也清之再相僉復用以侍郎掌內

制遂力薦為內相理宗疑焉一夕召餘入院降詔游似
右丞相鄭清之奉國軍節度使兼侍讀趙與權皇兄安
德軍節度使開府儀同三司皇弟貴謙與芮授少保凡
五制夜四鼓進入上始信之翌日即除翰林學士後拜
參知政事以疾告歸卒

范楷

范楷字子式鄞縣人嘉定元年登進士第調安慶府懷
寧尉再授建康府轉般倉秩滿謁吏部時年六十袁越

公韶與楷在淳熙間同貢于鄉且同年生嘉定十二年越公已尹臨安一見越公吾老當歸第求一近缺以便養越公笑不答密薦于丞相改臨安府教授遷宗正丞

吳從龍

吳從龍奉化人李全之變提孤軍為前鋒援不至被擒使至泰州城下誘降終不屈死之廟祀泰州維揚賜額褒忠官其弟從虎淳祐間應僉奏言從龍有晉解揚漢路中大夫之節請賜謚咸淳中黃裳乞立傳

余天錫

余天錫字純文昌國人祖父滌教授史忠定子孫因居
于鄞天錫亦教授其子忠獻家性謹愿絕不與外事忠
獻器之是時忠獻在相位久皇子濟公深嫉之念欲有
廢置而近屬無有會沂王宮無嗣丞相欲借是陰立為
後備天錫試于鄉秋告歸丞相曰今沂王無後里中宗
子族屬相似賢厚者幸具以來天錫渡江與越僧同舟
舟抵西門天大雨僧言門左有全保長家可避雨如其

言訪之保長知為丞相館下客具鷄黍甚肅須臾有二子侍立全曰此吾外孫也日者嘗言二雛後極貴問其姓長曰趙與莒次曰與芮天錫憶丞相所屬其號亦良是問其生年月日告于丞相相命二子來保長大喜驚田治衣冠心以為沂邸後可冀也集姻黨且詫其遇已行天錫見于相府丞相善相人大奇之計事泄不便遽復使歸保長大慙其鄉人亦竊笑之逾年相忽曰越二子可復來乎保長謝不肯相密諭曰二子長最貴宜撫

純文家遂載與歸母夫人朱氏為沐浴教字禮度益閑
習未幾召入嗣沂邸迄即帝位是為理宗天錫嘉定十
七年進士寶慶元年超除起居郎不數年拜參知政事
復守鄉郡母夫人封周楚國夫人壽過九十將以壽日
拜天錫為相天錫以病卒贈太師謚忠惠弟天任為兵
部尚書兄弟友恭方貧時率更衣以出終歲同衾蓋晚
貴盛復約以昭穆同葬子尚賓能守孝謹從子晦尹臨
安守蜀復守鄉里在蜀以違言論閬州王惟中死士論

少之

王撓

王撓字謙文其先開封人大父繇建炎渡江居于鄞撓博學耿介非其友不與語幼學于里師樓昉為文醇深善議論壯歲試詞學科不中輒棄去自誓曰它日必令二子業有成後登進士第同年余天錫參知政事屬教其子弟歲終致束脩以謝堅不肯受拱立言曰二兒習詞學鄉里無完書願從公求尺牘往借周益公傳內

翰番陽三洪公暨往昔習詞學者凡二十餘家所藏書
余欣然許之後二子果俱中科為安吉丞攝令長興捐
俸調水災再攝新城復斥餘財五萬緡代貧民賦遷國
子正將作監主簿時丞相史嵩之為相乞補外以避通
判婺州御史劉晉之誣衢州掾慮囚受賕刑獄使者不
直之命搆審實搆言誠無是事晉之怒而發之士民咸
言搆處置實當晉之不敢犯晉之蓋史相黨人也後攝
郡去之日以羨財數十萬留于官改祕書丞後守徽州

至郡廩亡三月儲暨解去粟支一年帛萬匹而所宜得錢復助少府用遷吏部郎中兼崇政殿說書疏言羣臣遜志之言多逆耳矯拂實未之見其議剴切深中時病嘗預修四朝史為輿服志六卷後直祕閣知溫州長子應麟別傳次子應鳳與兄生同日其學淹博精切為文詞操筆立就佐淮南牋記填委每入閣口占命吏即上馬去丞相知其能文詞名為太常博士將以內制處之甫入國門即死所為詞科文漢郡縣山川風俗記最詳

洽得文體

謝昌元

謝昌元字叔敬西蜀資州人幼歲見劉文節公光祖于
簡州應對敏解為題扇贈之且勉以學見魏文靖公了
翁復奇之類試四川第一調紹慶府教授後守施州築
城以修禦開慶元年除太學博士遷太常博士知封州
新學校提舉廣東常平茶鹽奏蠲鹽銀以寬民力疏入
不報捐俸卒代償之為沿海參議官因家于鄞德祐元

年以著作郎遷祕書少監當開慶初長子大椿挈其家屬來東南舟由鄂渚世祖皇帝時為大王駐兵江潯獲其舟載以歸問大椿知為蜀士子甚愛之俾給事殿中十四年世祖平宋迺命子召昌元入朝上深器之呼為南儒預議中書省事時南士為上所推重者曰青陽夢炎王虎臣暨昌元皆為尚書上既厭代是後南士郎署官亦不復用矣為禮部尚書上疏言增軍餉結民心除舊吏戢新軍上允其議又乞行選舉收遺書擇按察官

嚴賊吏法置登聞鼓院至元混一之際凡所朝議昌元諸人皆得預聞後以老告歸卒葬于鄞

黃震

黃震字東發慈溪縣人中進士第為尉有能名後為史館檢閱入對言危亡災異在旦夕而縉黃出入宮禁亡節失朝廷體度宗大怒諭中書削秩罷丞相嘉其直出為通判廣德軍郡守賈蕃世丞相兄子也恃勢以喜怒決郡事震爭不屈後相知曲由兄子卒兩易為紹興府

通判未幾守撫州兼提舉常平復兼提點刑獄時諸郡
社倉法大弊震言法出三代猶有損益減息濟民青苗
法非不善也弊卒不可救今社倉弊亦在是遂發所儲
錢買田以代息撫人德之震為人清介自守臨川陸學
傳四方震獨崇朱氏學其為文悉本之又尊其門人黃
幹書錄梓于撫善論利害奏疏明暢曲盡人謂其甚似
朱氏後為提舉浙東常平陞直寶章閣福王趙與芮判
紹興朝命俾為長史以佐震不拜國事日蹙朝廷宰輔

爭避去震知不可為歸寶幢山中誓不入城府所居日
湖圖籍器物爭掠取亦不問在史館時以鄉先生楊文
元公張文靖公右軍統制吳從龍死事乞入史館每閱
經史文集輒疏其精要辨論曰日抄若干卷春秋禮記
皆為集傳其死也里人私謚之為文絜先生

陳肖孫

陳肖孫字伯巖中進士第鯁介清苦操筆決詞訟曲當
事理賈似道咸淳為相不喜四明士獨黃震陳肖孫為

名監司士論莫易也以提點刑獄守嘉禾郡帑不妄用
絕互送禮繇是蠲逋錢二十萬米四萬子姪合食唯蔬
食脫粟人呼為菜湯知府會安吉寇作以措置失宜罷
澤不及予朝議惜之遂官其子丞相署曰陳肖孫一廉
可取當官其子年六十一終

袁洪

袁洪字季源七歲通詩書春秋受業王先生鏞父嚴州
守奇之初父與柄臣賈氏同名遂退屏居里益內治產

業父死後兄

闕

析貲產父事之盡力無私年十七以大

父越公恩補官馬光祖守臨安徽為佐以敏達聞命徵
責旁縣不受令禮部尚書李伯玉中書舍人劉震孫以
治劇材薦佐兩浙轉運潛說友為轉運使檄督寧國絹
十六萬自嘉熙以來名存實亡當取景定至今年逋潛
恐數夥命它吏卒如所言胡太初刻削阿僻數謝病不
許遷太社令時賈相不樂四明人與同郡士六十餘人
坐廢家居講學不及世務其畜德遠權勢如此賈乃悔

起奉葉州雲臺觀祠祿調補通判建康慮囚句容縱偽造楮幣連坐者二百餘人時大兵南下帥趙潛出督兵江上城中大駭夜縱火剽掠出郭去密捕首亂者數人斬之乃安諸將益桀驁請較射于是出私帑具賞先發三矢三中衆大驚服潛遁諸將釋兵歸淮西總領費伯恭遁乃微服詣行在所屢遷咸不拜宋亡諸無賴構陷衣冠陳參議允平在陷中帥命招討王世強捕治于是儒服入白人情未安不絕告訐非所以示綏懷也帥悟

釋允平由是上變者輒斥去至元十五年入覲世祖皇帝召見授朝列大夫同知邵武路總管府事改溫竝以疾辭二十七年侍御史程鉅夫奉旨求江南賢士徵以應詔辭不起迎師友好賓客喪葬婚嫁不能任者給財無靳疾疚則治藥以拯之人嘗有過者內愧誓伏然必委曲覆護不以罪之其累善積行此其類也大德二年改處州命下卒鄉人莫不垂涕泣陰德尤著云

汪之林

汪之林字德仲尚書大猷之族孫幼歲見樓宣獻公言行淵懿善尺牘見後進道嘉言善行灑灑不倦舊與賈丞相游賈相少歲事游狎其母禁止之聞與德仲游不復語晚守汀州歸里自守貧益甚以終

蔣曉

蔣曉字堯臣伯父峴為諫議大夫以京官奏之謝不受後登第作邑有政聲為文勁正開唐金石刻最多故其文時似之後以將作監主簿終善威儀巍坐終日不倦

所言皆唐宋遺事

節婦

冀國夫人葉氏慈溪人歸于史冀公簡冀公年二十五為縣從事尉受賕杖平民冀公獨愍之以杖首雜朱殷以進初舉杖血流于尻尉怒以水拭之誠偽尉益怒據按即以平民所受罪杖之歸數日死時夫人年二十有五有娠冀公死且囑曰若生女當嫁果男也幸謹視之夫人泣受其言後得男曰詔隣保咸曰汝家若是祿

中兒寧可恃耶夫人自誓不聽晝夜工紡績俾其子從師于鄉且曰讀書以行己為先操筆為文辭非聖賢本旨後其子訖為善士鄉黨化慕能使爭忿不直者皆自訟不復至縣庭夫人晚歲理生產益自裕養孤女數人俾有歸年八十六以終凡十八封至冀國夫人詔以八行科舉不就後贈冀國公鄉人稱為八行太師而史氏孫曾貴盛繇夫人始丞相三人浩彌遠嵩之執政二人才宅之視執政三人彌堅守之岩之侍從二人彌大彌

忠待制二人彌正寬之卿監四人彌志望之定之宣之
進士二十六人才浩彌大彌遠彌忠彌念彌遜彌謹彌
志彌應彌輦岩之嵩之佺之望之及之本之能之胄之
俊卿有之常之即之介之蒙卿唐卿

孝行

楊慶鄞人父病貧不能召醫迺剔股肉啖之良已其後
輒以為常自紹聖至宣和刲肝割乳饋親者凡五最後
母病不能食慶取右乳焚之以灰和藥進焉入口遂差

久之乳復生每勝日輒以筍輿載母禱于阿育王山佛
祠年六十餘視聽聰明負檐行遠如四十許人宣和三
年守樓异以事聞于朝不報名其坊曰崇孝紹興七年
守仇愈申前請十二年有旨旌表門閭蠲免賦稅仇公
愈曰韓退之作鄆人對以毀傷肢體為害義而匹夫單
人身隔草莽軌訓之理未宏汲引之徒多闕而乃行成
于內情發自天使稍知詩書禮義之說推其所存出身
事主臨難伏節死義豈減介之推安金藏哉

孫之翰字文舉慈溪金川鄉鷄鳴山人少志乎學母疾革刲體取肝為粥以進越夕母如醉自醒乃底于寧守趙伯圭將聞于朝文舉曰本心救親他無所覷守不奪其志年六十六卒于嘉泰二年葬五磊山

張超昌國縣狀元橋東人家鬻素食為業超自幼孝年十九父縈患氣疾寢篤醫禱無效超乃炷香刲脇取肝煮粥以進不踰日父病愈乾道二年十二月守趙伯圭舉揚慶例命縣厚加優恤嘉泰四年令葛洪與免徭役

仍封植其父母墓禁採樵云

吳璿定海人父璋以邊功補副尉璋妻宋氏病璿割股療之而愈年九十三迺終璿與妻楊氏更病男安禮安時皆割股以進安禮療其母且至再焉璿七十九乃終楊氏尚在年八十九矣前守李沐以聞于朝嘉泰三年有旨長吏常切存卹府命縣令王百揆建崇孝門以旌之後令商逸卿趙汝鑑重修

童八娘鄞之通遠建舉人居小溪朱氏崇孝庵之側一

日虎銜其祖母女手曳虎尾祈以身代虎為釋祖母銜女以去時侍郎林栗侍親官于此目擊茲事既而來守以聞于朝未報而奉祠云

逸士

蔣宗霸周顯德初人為仁慈善溫謹口誦摩訶鄉人稱之曰蔣摩訶時有僧游奉化寓岳林寺攜布囊與六七小兒行歌于道曰顛狂彌勒隨所乞咸受囊中鄉人亦稱之曰布袋和尚摩訶心異之而摩訶布袋名益著與

之處逾三年一日同浴長汀摩訶視布袋背有目布袋
曰吾為汝所窺當去矣吾以布袋贈汝俾子代代為衣
冠家布袋歸岳林坐逝葬封山後越帥遣介過蜀遇布
袋道中卒舊游四明識之迺曰為吾謝摩訶相見已近
願自愛卒歸至岳林道所以發棺視之唯錫杖淨鉢焉
卒遇摩訶述其語摩訶曰吾已知之一日造城別親友
以逝好事者或曰布袋釋氏所謂彌勒也今岳林遂為
布袋道場云

朱棣字彥誠鄞人初本江南士子靖康初挈家逃難伏林莽冒溪谷行抵明越之界萬山嵯峨望一石室壁立千仞規舍其中忽有老父曰此聖公巖也神人居之上每有金鼓聲且毒蛇猛獸守其窟烏可往棣下顧曰吾止平地而遇寇必無幸者匿此中未必犯于是棄擔持糒沿崖魚貫而進居旬有五日絕無可怖者而岡嶺秀出泉石清泚真仙者所居殆忘其歸望崖竇數有異光心頗疑之因梯竹而上得一黑匣緘鐫甚固一劍橫其外

啟其中有書與印言役鬼神治病之術冠退奉之以去設壇而事之自是役鬼神如反掌最異者能追魂脰脈人有病妻則脰其夫父則脰其子有祟則以法治之無祟吞符亦安合沙鄭瓚嘗伺其作法往觀焉見其據按而坐運指于袖嚙水于口以桃茆麾使而鬼神自至訊鞠論報若官府然問曰此何法也棣曰非法也周天大數也大衍所謂成變化而行鬼神也夫天地日月五星列宿與夫山川草木飛潛動植之屬不越乎是況于人乎

況于鬼神乎儒者知成變化之數而行鬼神之數未之知也成變化者數之方也行鬼神之數數之圓也棣妻戴氏姓幼子神降于奉化張氏家言上帝使續棣法某日則生戴亦夢一道士額有珠曰上帝使為子代天行法俄入于懷如期不血而生皮髮指甲猶三易其名曰定鄭瓚據其實記之蓋乾道七年也

延祐四明志卷五

欽定四庫全書

史部

延祐四明志卷六

六七

詳校官編修_臣曹振鏞

檢討_臣德生覆勘

總校官編修_臣王燕緒

校對官中書_臣郭晉

謄錄監生_臣趙鳴皋

欽定四庫全書

延祐四明志卷六

元 袁桷 撰

人物攷

史忠定十二先生贊

蓬萊黃公先生

商於六里 肥遯四賢 公居其間 美行卓然

時乎一出 羽翼翩翩 漢祚四百 由茲卜年

大梅梅公先生

堂堂伊人 漢世之傑 方時昏昏 上書剴切
退伏市門 或來明越 我游大梅 尚想忠烈

石臺葛公先生

公游宇內 蹤跡殆徧 一月千江 無處不見
大隱石臺 波光如練 山闕丹林 清可覲面

石窻賀公先生

道既不逢 當去勇決 野服黃冠 孰能羈紲

鄞水烟波 鏡湖風月 高標凜凜 濯世執熱

大隱楊公先生

道契皇王 德參天地 俯仰觀察 出處一致
三聘及門 疾驅遠避 齊魯大臣 公其無二

慈溪杜公先生

伊歟高尚 抱道弗違 下視流俗 突梯脂韋
荆國之清 叩其玄微 九原可作 非公誰歸

甬水王公先生

生負大材 棲于甬水 雖有聲名 且無生理
陋巷簞瓢 王公知己 百世聞風 莫不興起

西湖樓公先生

翁臨西蜀 一化南閩 公以是教 作成吾鄞
逮今士子 傳學彬彬 收功貽厥 世有顯人

桃源王公先生

公脩隱德 約處桃源 文肩李杜 行踵淵騫
教育千里 執經滿門 天之報施 煌煌後昆

望春王公先生

使者入境 金橘是求 公責以義 彼實懷羞

晚使作邑 投劾歸休 鄧城彭澤 千載同流

湖西周公先生

宦游寡偶 不如投閒 言之孔易 行則惟艱

公平勇退 雙鬢未斑 巢月蘋風 誰復追攀

奉化孫公先生

朱梁僭竊 公懷憤恥 仕還民服 年著甲子

寥寥唐宋 有茲義士 遺編雖存 惜無信史

王尚書八賢贊

童判子

王介甫為鄞令奉行敕書訪義夫節婦得三人其一人可采曰童判子為人掌典庫其家養疏屬數口奉寡嫂承順不違甥不事家業屢負人債輒為償之而不以告姊江隣幾紀其事于雜誌

賢哉若人 儒行塵蹟 悌友祥順 展也實德

我興視世 口舜心跖 居市不市 前言匪激

蔣璿

學必以己 義榮道腴 博觀約守 曾吞石渠
良朋問疑 詡徑未蕪 誰其似之 予雲林間

王茂剛

夢吞三畫 韞玉山棲 象外繫表 捐筌棄蹄
心學自得 義文與稽 緒言不傳 林深草萋

顧主簿

言行慥慥 白賁素履 忠信篤敬 行乎州里
其德如蘭 薰我晉鄙 漢之長者 周云吉士

李宗質

字文叔濮人父定公之裔所生母展罹靖康之亂母子相失有姊歸司馬文正

公之諸孫與俱詣行在所至江州水南治遇展氏於廛中物色良是姊見之而信抱持相哭人以為孝感別十餘年而奉色養者二十年文叔卜居鄞之名塘攻媿樓公銘其阡誠齋楊公為傳而贊之曰非至孝奚而通神明非通神明奚而得母

丞丞純孝

其感以天

昔朱令李

盛事光前

綵衣華髮

介以耆年

孰補南陔

章善旌賢

李猷黃子游

信義之重 死生如一 求諸古人 樂布脂習

偉哉二士 卓行特立 砥訓薄俗 百世時式

陳之翰

貴義如璧 賤金如土 不億不信 莫余敢侮

誠於為善 君子所予 彼晝攫者 羞愧汗雨

衣冠盛事

四世宰執

史才

樞密

姪浩

丞相
趙王

子彌遠

丞相
衛王

從姪嵩之

丞相永國公

父子宰相

史浩

子彌遠

父子御史

王次翁

御史中丞

子伯庠

侍御史

父子侍從

楊王休

子煜

袁燮

子甫

魏豹文

子峻

父子西掖

陳居仁

子卓

祖孫侍御史

陳禾

四世孫大方

兄弟博學宏詞

王應麟

弟應鳳

師生祕書監官

袁燮

秘書監

袁韶

著作郎

兄弟辟雍賜第

林保

弟霏

父子殿帥

馮湛

子櫛

父子同榜

孫技

袁甫榜

子起予

李元白

吳潛榜

子以稱

祖孫侍從

林保

孫祖洽

祖孫甲科

王昇

呂溱榜第一
甲第五人

孫伯序

汪應辰榜第一
甲第五人

兄弟侍從

史彌大

弟彌堅

史宅之

弟宇之

兄弟同榜

王時會

榜鄭僑

弟時叙

趙汝述

榜衛湜

弟汝達

史彌忠

榜王容

弟彌愈

趙師適

榜鄒應龍

弟師仇

史彌應

榜袁甫

弟彌恣

趙汝樵

榜吳潛

弟汝梓

趙琪夫

榜吳潛

弟璠夫

趙崇使

榜黃朴

弟崇儕

舅甥三學士

汪大猷

甥陳居仁

樓鑰

典鄉郡

黃晟

鄞人唐末守
郡二十年

孫沔

遠祖卻奉化人
皇祐三年守郡

王周

鄞人慶厯中以
司封郎中守郡

樓昇

其先奉化人政和中守郡五年所
居號畫錦坊南門內有錦照橋

趙彥逾

鄞人嘉泰四年四月資政殿大學士太中大
夫知慶元府兼沿海制置使所居號錦里

趙善湘

鄞人嘉熙二年二月資政殿大學士銀青光祿大夫沿海制置使兼知慶元府名其所居

之坊曰

錦敷坊

余天錫

鄞人嘉熙四年六月資政殿大學士知慶元府兼沿海制置使名其所居之坊曰錦樂

建鄉節

鄭清之

鄞人淳祐五年以少師越國公醴泉觀使兼侍讀領奉國軍節度使

省元

陳埴

狀元

姚穎

傅行簡

袁甫

釋褐狀元

宣繪

何大圭

武舉狀元

胡應時

以絕倫升
第一名

童子科

桂錫孫

王人英

應翔孫

進士

舊志以特奏名雜載題名碑
亦然今悉按登科記釐正之

端拱二年陳堯叟榜

聖人不尚賢賦五色一何鮮詩禹拜昌言論

楊說

淳化三年孫何榜

庖言日出賦射不主皮詩儒行論

李泳

咸平五年王曾榜

有物混成賦高明桑克詩君子黃中通理論

許鉉

景德二年李迪榜

天道猶張弓賦德輔如毛詩以八則治都鄙論

郎簡

盧慎微

張合

大中祥符五年徐奭榜

鑄鼎象物賦天險不可升詩以人占天論

王周

葛源

大中祥符八年蔡齊榜

置天下如置器賦君子以恐懼修省詩順時慎微其用何先論

沈偕

許惲

同三傳出身

天聖五年王堯臣榜

聖有謨訓賦南風之薰詩執政如金石論

李奭

登科記作亦

虞協

天聖八年王拱辰榜

藏珠於淵賦溥愛無私詩儒者可與守成論

朱公綽

施渥

景祐元年張唐卿榜

旁心為明堂賦和氣致祥詩積善成德論

許敏

沈言

寶元元年呂溱榜

富民之要在儉節賦鯢化為鵬詩廉吏民之表論

王昇

慶厯二年楊寘榜

應天以實不以文賦吹律聽鳴鳳詩順德者昌論

沈起

申屠會

慶厯六年賈黯榜

戎祀國之大事賦形鹽象武詩兩漢循吏孰優論

陳詵

馮準

王該

周處厚

李撫辰

俞翺

皇祐元年馮京榜

蓋軫象天地賦日昃不暇
食詩天聽君人之言論

杜諮

郭暨

皇祐五年鄭獬榜

國丘象天賦律聽軍
聲詩樂本人心論

盧隱

陳詒

說堂弟

樓郁

貫開封

陳諒

說兄貫
開封

項晞

貫開封

葛良嗣

貫開封

周師厚

處厚弟

嘉祐二年章衡榜

民監賦鸞刀詩
重巽中命論

劉仲淵

于銳

貫開封

嘉祐四年劉輝榜

堯舜性仁賦求遺書於天下詩簡易得天下之理論

俞充

朱長文

貫開封

豐稷

嘉祐六年王俊民榜

王者通天地人賦天德清明詩水幾於道論

童于

項瞻

肺堂弟

袁穀

嘉祐八年許將榜

寅畏以饗福賦樂通神明詩成敗之機在察言論

葛蘊

貫開封

馮碩

準姓

陳謚

柳韶

治平二年彭汝礪榜

大舜善與人同賦春和議振貸詩君子以成德為行論

樓常

郁子

舒亶

熙寧三年葉祖洽榜

是年始有御試策

王吉

王夫

周子貫和州

馮景

貫開封

熙寧六年余中榜

俞偉

充叔

韋著

明經

熙寧九年徐鐸榜

陳伯彊

貫開封

姚孳

杜岷

貫開封

樓光 郁子

元豐二年時彥榜

吳矜

周鐸 師厚子

元豐五年黃裳榜

江炳

翁升

俞夔

豐安常 稷子

陳撫 諒族貫開封

王瓘 該子

元豐八年焦蹈榜

君人者制仁論

樓昇 常子

元祐三年李常寧榜

吳正平

姚希

陳攄
搗弟

張宏

舉經明
行修

王光祖

昇之孫
貫齊州

元祐六年馬涓榜

童鞞

袁灼

數子貫
開封

劉渭

元祐九年畢漸榜

俞表

偉子

胡幹化

紹聖四年何昌言榜

蔣璿

馮涇

貫開封

章韞

姑開

貫開封

元符三年李奎榜

陳禾

謚子

陳拊

撝弟

郭慎實

暨子

馮軫

景姪孫

樓弁

汪洙

崇寧二年霍端友榜

周鉢

師厚子
貫湖州

王次翁

昇孫
貫齊州

崇寧五年蔡薿榜

馮滋

涇弟

蔣琬

馮子濟

涇堂弟

夏承

汪思齊

洙子

曹貫

顧父

上舍魁

大觀三年賈安宅榜

王珩

該姪

胡旦

吳升

矜從弟

蔣安義

政和二年莫儔榜

汪思溫

洙子

王庭秀

發子

張邦彥

宏姪

林保

林霍

保堂姪弟

政和五年何鼎榜

樓航

政和八年王嘉榜

林孝雍

陳時舉

陳秉

謚子舉八行

姚持

阜姪貫開封

桂舟

陳宗翰

說孫

吳秉義

升子

汪廷彥

史才

薛朋龜

王勲

宣和元年上半年舍釋褐

樓瑋

航子

宣和三年何渙榜

王琥

何涇

楊正權

吳秉信

升子

宣和六年沈晦榜

王壁

庭秀子又於紹興五年魁博學宏詞科

曹粹中

貫姪

林孝友

孝雅弟

建炎二年李易榜

張嗣良

子閱

紹興元年上舍釋褐

高閱

紹興二年張九成榜

王瑋

琬弟

于庭式

銳孫

王伯庠

次翁子
貫濟南

薛靖

朋龜
族

史純臣

貫湖
州

周廣譽

紹興五年汪應辰榜

王伯序

次翁子
貫濟南

石師能

貫紹興

史師雄

純臣
從叔

鄭若谷

趙慎臨

高安世

閔兄

劉濤

紹興八年黃公度榜

省試
却秦軍詩
天子以德為車賦
談笑

吳邦傑

貫紹興

蔣梗

壻從姪

陳曦

禾子

余遇

蔡穀

紹興十二年陳誠之榜

魏杞

貫開封

豐至

稷姪孫

姚孚

希從姪

俞觀能

夔子

姜濤

貫開封

褚棣

紹興十五年劉章榜

汪大猷

思溫子

史浩

才姪

張濟

嗣良從兄

周維

莫冠卿

王淪

夫孫貫和州

林大節

孝雍姪

高閭

安世弟

紹興十八年王佐榜

沈中立

童大定

紹興二十一年趙逵榜

方天保

陳居仁

貫興化

裴定

吳化鵬

張遜

任三傑

紹興二十七年王十朋榜

方南強

天保弟

趙彥弼

趙公遷

紹興三十年梁克家榜

樓鐸

昇孫

樓鉉

昇孫

卞圜

貫泰州

高文虎

安世姪

葉時

王明發

趙彥逾

趙師峴

趙師章

師峴兄

鄭鐸

貫州福

劉俟

沈元憲

莫堂

冠子卿

隆興元年木待問榜

聖人作而萬物覩賦人鑑詩一正君而國定論

李唐卿

貫紹興府

李霖

鄭若容

若谷弟

趙善待

樓鑰

并孫

張良臣

貫拱州

林圭

馮緯文

溫孫

汪大辯

思溫姪

林頤

張孝伯

乾道二年蕭國梁榜

趙師正

改名師津

施純仁

楊王休

俞茂系

觀能子

乾道五年鄭僑榜

楊簡

王時會

沈渙

袁章

灼孫

史彌大

浩子

趙善纁

王時叙

時會兄

戴樟

乾道八年黃定榜

范渠

盧子材

王煇

陳紀

韓永德貫開封

舒璘

趙伯省

舒烈亶曾姪孫

淳熙二年詹駉榜

趙彥通

彥通仲兄

趙渭夫

趙師信改師潯師正弟

趙彥遠

彥通弟

淳熙五年姚穎榜

姚穎

子孫

黃豹

王鎬壁姪

蘇養直

貫泉州

鄭瓚

鐸弟

淳熙八年黃由榜

袁燮

灼曾孫

趙汝勝

趙師晨

淳熙十一年衛涇榜

高文善

安世姪

高似孫

趙汝達

善待子

趙汝述

善待子

趙善讚

善纒弟

淳熙十四年王容榜

史彌遠

浩子

趙師晃

師晨弟

姚師臯

袁韶

史彌忠

浩姪

羅仲舒

趙希言

趙汝遇

趙師備

師晃從弟

趙希瑋

李震

唐卿姪孫

吳振

史彌念

彌忠弟

紹熙元年余復榜

邊恢

友聞姪

葉澄

趙瑋夫

豐有俊

稷四世孫

諸葛安節

貫紹興

趙崇復

趙崇衡

崇復從兄

林惟孝

劉致一

陳卓

居仁子
貫興化

林圭

周焯

鐸曾孫

紹熙四年陳亮榜

楊琛

樓昉

樓鏞

弁孫

趙師旻

趙崇德

應儔

姜允

濤姪孫
貫開封

厲思明

陳從

貫福
州

姜柄

濤姪
貫開封

趙筠夫

彥逾子
改名筠夫

臧植

蔣經

貫鎮
江

劉垕

童居善

大定
孫

葛容

王洙

勳孫

慶元二年鄒應龍榜

天子大采朝日賦玉燭陽
明詩高祖寬明而仁恕論

張處

嗣良
姪孫

史彌遜

才孫

趙汝笈

趙汝适

善侍
子

趙善湘

姚師虎

師臯
弟

張珩

葉子高

趙時穆

樓汶

昇曾
孫

董仁澤

鄭襄之

若谷
姪

章禹圭

孫逢吉

趙師仇

師備
弟

趙師宜

希吉
叔

趙汝法

趙師適

師備
弟

趙彥樞

桂萬榮

袁洽

穀四
世孫

蔣峴

琬曾
孫

馮自强

武舉

鍾元達

潘伯恭

盧元吉

慶元五年曾從龍榜

袁肅

變子

史彌謹

浩姪

劉叔向

臧格

植弟

皇甫暄

王暨

輝姪貫
開封

汪文

大猷
姪

姜夔

光弟貫
開封

趙善潼

善湘
弟

王大醇

上舍虎
姪孫

趙崇衍

趙汝稠

趙崇侶

王埏

伯庠
孫

陳槩

禾曾
孫

嘉泰二年傳行簡榜

聖人成天下之大順賦春旗簇仗齊詩漢御外理內之術論

傳行簡

繆師臯

次年試中教官

林惟忠

上舍惟孝兄

施琮

楊琮

琛從兄

胡鑑

嘉泰二年武學釋褐

范良輔

嘉泰三年兩優釋褐

宣繪

開禧元年毛自知榜

汪之彊

大猷姪孫

趙彥杉

郭九思

李以制

袁汝寬

徐愿

趙與龍

趙希揚

林宗一

惟忠子
貫湖州

嘉定元年鄭自誠榜

王宗道

時會姪

郭德暢

九思從叔

王埜

明發孫

趙汝憚

范楷

渠弟

薛師點

朋龜曾孫

張起巖

胡剛中

劉厚南

叔姪向

董仁聲

仁澤從弟

陳公益

李詵伯

以制叔

吳晞甫

化鵬姪

武舉

周師銳榜

童蒙正

林鏢榜

胡允

陳良彪榜

胡應時

光子本第二名以絕倫特與第一名恩例

嘉定四年趙建大榜

任龠

謙子

俞疇

元曾姪孫貫湖州

趙時愷

趙希舍

師備子

樓淮

馮宋興

軫姪孫

陳誼

黃定

上舍

趙希勦

趙希瑑

程士龍

汪了翁

武舉

王國定

杜霆

林拱

嘉定七年袁甫榜

袁甫

變子

趙師錢

伯省姪

余元廩

戴杰

上舍貫福州

豐翔

至曾姪孫

史彌應

彌忠弟

史彌志

彌忠弟

范允

楷子貫太平

葉英

趙時恪

時慥
兄

趙唯夫

公遷
孫

趙添夫

渭夫
弟

趙紋夫

汪立中

大猷
子

趙時擇

渭夫
子

孫枝

趙時益

瑋夫
姪

李森

上舍

葉奭

趙希璫

希勛
兄

趙與懽

希言
子

趙興昭

孫起予

杖子

嘉定十年吳潛榜

方季仁

李元白

以制
父

李以稱

元白
子

劉著

鄭清之

趙汝捍

汝柄
弟

陳塤

省元

高奎

林挺

拱弟

趙汝樵

善湘
子

史彌鞏

彌忠
弟

莊鎮

任灼然

樓采

汶
姪

鄭次申

趙涖夫

趙師籀

趙璣夫

公遜
孫

趙師箴

趙汝柄

善讚
姪

趙汝梓

善湘
子

趙希會

師備
子

史岩之

彌忠
子

趙希敞

興昭
叔

趙璠夫

公遷
孫

趙時深

瑞夫
姪

汪之秀

之強
弟

陳伯鼎

翁逢龍

葛逢

武舉朱嗣宗榜

陳寅

嘉定十三年劉渭榜

諸葛十朋

安節姪

趙希鑑

師晨子忠翊節

趙時稟

省魁

莊同孫

趙侵夫

趙希洽

希言弟

趙與仕

師峴孫

趙希逾

沈中父

煥姪

史嵩之

彌忠子

羅叔韶

蔣興孝

陳自

趙希羊

宋炳

徐敏功

董子焱

仁聲從弟

王之經

嘉定十四年兩優釋褐

何大圭

嘉定十五年國學以慶寶恩上舍釋褐

汪之道

思溫玄孫

嘉定十六年蔣重珍榜

豐芑

稷五世孫

臧元圭

植格從姪

李誨伯

元白姪

應繇

僚姪

臧元僧

植子貝

貝自成

袁商

變子

王撫

余天錫

潘景葉

伯恭子

舒泳之

楊夢龍

正權姪

樓鏞

郁五世孫

史仝之

彌忠姪

趙師簡

師錢弟

趙逢龍

樓昞

昞從弟

武舉杜幼節榜

臧元慶

植格從姪

王甲

錫姪

嘉定十七年上舍釋褐

邵明仲

莊端孫

同孫弟

任襄然

灼然弟

陳輅

紀子

寶慶二年王會龍榜

孫因

夢觀堂兄

孫夢觀

因從弟

趙希洺

師筠姪

趙希觀

趙師筠

趙汝挂

趙時範

王希聲

內舍明發之孫楚之兄

劉棟

厚姪

趙希逸

希逾弟

鄭士穎

清之姪

趙汝昇

趙崇侑

臧元堅

植從子

樓汝

淮弟

舒瀛

黻之曾孫

王文貫

袁衡

變孫

劉炳

遵之孫
候之子

陳筐

紀姪

趙汝楫

善湘子汝楫
梓弟

趙崇侑

趙希埵

趙汝期

汝笈
堂弟

趙希綯

趙減夫

彦通
姪

趙希馭

趙希瑟

希璠
兄

趙希伺

趙熾夫

趙希琮

希璣
兄

趙希儂

希伺
兄

趙汝掾

趙退夫

趙與焰

與龍
弟

蕭堉

馮基

劉希辰

著子

夏元吉

蔣規

允曾
孫

趙若楷

王夢次

黃桂

豹之子

王興叔

沈晟

武舉楊必高榜

何武伯

冲之姪

紹定二年黃朴榜

張震振

趙希會

豐蒞

芑之弟
元名芸

史望之

彌志子

王龍榮

時會之孫

楊埴

林溥

大節之孫

趙汝渚

上舍

姚元哲

穎之子

馮履道

基之兄

趙希鋹

師晨子
希鋹兄

趙崇儕

崇儕之弟

趙崇熙

內舍

史及之

彌林之子

臧元士

植之上舍

趙崇僕

崇儕從弟

李詞伯

楊珏

何宗琰

徐灼

周時舉

陳簾

紀之兄

董亨復

王崇

陳筍

紀之兄

董淮

劉圭

有德之子

沈叔簡

王與直

時叙之孫

邊之裕

友聞孫
恢姪

汪輝

廷衡之曾孫

武舉焦煥炎榜

張時舉

遜之姪孫

何濬

內舍

紹定四年慶壽上舍釋褐

嚴畏

仲熊之孫

葉成子

澄之子

沈輝

紹定五年徐元杰榜

何德新

冲從姪武伯弟

陸叡

高指

開之曾孫

曹巽

趙汝楮

善湘之子汝楮汝梓汝楫之弟今為善潼之子

陳埜

南之姪孫

任嚴

桂去疾

桂錫孫

必之孫
萬榮姪

王得一

孫願質

枝之子
起子弟

趙希羔

希羊
從弟

趙時悟

邊之基

友聞姪
孫恢姪

董仁森

子焱
從弟

吳顥

王似道

宋自强

趙汝歸

汝憚
從弟

戴塤

機之
孫

陳大方

曦曾孫
槩從姪

汪之埜

立中
姪

宋拱之

韓應祥

林一之

嵩之
曾孫

張璫

珩之
從弟

樓梓

昇之
玄孫

宋洎

炳之
弟

潘景孟

劉燧

遵之
孫

林慮

王與義

葉龍友

兄 爽之

馮容

姪 軫之

樓濟

子 鋹之

徐應和

樓濂

從子 鑰之

臧夢祥

植格從姪
元圭之兄

樓瀚

異之
曾孫

顧銓

黃鐸

樓翬

鋹之
子

邊之問

友閏姪
孫恢子

薛師傳

顧樵

武舉林夢新榜

臧元龜

植格從姪
元慶子

魯英

樓采

采之
弟

端平二年吳叔告榜

汪之林

之埜之
兄上舍

史越翁

師雄之
從姪孫

趙崇駿

汝柄
之姪

夏嘉

張自明

處從子
上舍

高衡孫

文善
之子

周福孫

汪汲

鎮五世孫
輝從姪

高深

文舉
之孫

趙希固

希羊
弟

袁鉉

陳夢舉

樓昭

昉之
弟

汪龍友

了翁
之叔

樓淮

汶之
弟

余枬

張槃

虞之
從子

王奎

明發
從孫

王子槐

沈一舉

方肅

季仲之
姪孫

陳籀

紀之子

劉輝

臧斐

格之從弟

樓稅

昇之元孫

吳惟助

鄔文伯

樓棹

武舉朱熠榜

王大用

徐用之

何自明

濬之弟

嘉熙二年周坦榜

戴埴

上舍

章士元

上舍

應文炳

魏峻

通直郎

陳大震

大方之弟

趙崇淦

趙崇儋

黃演

鍾姪十之弟

史本之

劉焰

遵之孫

林爽邦

惟孝從弟

張玘

汪之邵

立中姪

林宗稱

嵩曾孫問禮子

劉挺

劉熺

遵之孫侯之姪炳之弟

林公玉

趙希釜

趙希師

晨子希鑑弟

趙若瀟

貝良金

樓條

昇五世孫

黃應春

李淦

貝斗南

樓梓

鎬弟之子

陳策

黃千之

鐘之姪演之兄

陳了翁

陸爚

佃之玄孫
游之姪孫

林震

陸點

佃之玄孫

陸埏

之瑞孫

陸熊

佃之玄孫

陸采

佃之孫
之瑞弟

陸哲甫

佃之玄孫
堅之從叔

樓侃

异之五
世孫

樓柎

武舉劉必成榜

蔣峇

淳祐元年徐儼夫榜

王漢英

王應麟

子之

陸合

佃之七
世孫

潘泉

史能之

彌鞏之子出繼

王真錫

上舍明發從孫

蔣興永

內舍平校綽之子

趙汝檀

史胄之

彌鞏之子

方震龍

孫洙

戴進之

集之子頃填之從叔

趙瑄夫

王轟

勳之曾孫

王履正

上舍

趙汝櫟

汝檀弟

趙若璉

時益姪時融子

汪元春

蔣覲

璿之曾孫紳之子

羅明復

周夢李

常之曾孫

楊宗卿

琛之姪

丘達可

之才之孫復之弟

羅叔晟

方端

季仁之姪

貝斗山

自成之姪孫良金之姪斗南之弟

張自彊

虞之從子自明之弟

張慶祖

珩之姪

何日新

冲之姪武伯之弟德新之兄

任節

張自東

齊之姪孫

劉拭

濤之姪孫致一之姪

淳祐四年留夢炎榜

余東

元虞之姪孫

戴鑫

孫夢發

洙之姪

盧垚

黃應春

戊戌特降甲辰正奏

安劉

趙希愐

趙汝櫟

李以益

元白之子以稱以制之弟

袁欽

陳肖孫

蕭文會

世之弟

孫豹

俞舜申

張正國

張欽

淳祐七年張淵微榜

王霆瑞

趙崇敷

原名崇辛

王珪

何珣

仲之姪孫日新之姪

張自期

處之姪自明從弟

樓冽

肖五世孫鑛之從子

趙孟豎

師峴之曾孫興仕續訓與稀之親姪

趙崇驥

袁采

黃知崇

子之演之姪

蔣曉

琬之玄孫
現之猶子

吳龍朋

正平之
玄孫

樓楫

昇之
玄孫

張榘之

珩之
姪

鄭士胄

勅授將仕郎
清之從子

朱祐之

鄔秀實

文伯

樓澁

鑰之從子
津之弟

蔣覲

琬之曾孫
規之親兄

貝良臣

周岳

王應龍

應逢子

袁符

樓樟

舒濟世

琮之
孫

繆應符

張堂

胡時中

徐日宣

姜煇

煇之
從弟

樓枝

翁歸仁

趙希樽

希埵之弟

吳尚深

武舉章夢飛榜

湯大全

戴元質

淳祐十年方逢辰榜

沈發

史俊卿

彌高之孫

林潛

周坦

上舍鏐之四世孫華焯之親姪

陳若水

協之弟

林禹玉

公玉之兄

朱端方

定國之曾孫

胡發

鑑之子

趙與臻

希鑑之子

趙與逮

希叙子與恩省魁

名

楊景山

趙若惠

渭夫孫
時擇子

高桂

指之
兄

袁垚

虞逢午

戴杰

王耒

林燭

惟孝親姪
宗一之弟

沈士龍

鍾之孫
中父弟

洪翌

洪暈

楊垕

簡之
姪孫

蔣夢符

楊興伯

桂本

寶祐元年姚勉榜

陸逵

佃之五
世孫

舒夢庚

孫獬孫

胡咸中

剛中時
中弟

黃翔龍

馬元演

李應龍

史有之

上舍彌
輩之子

趙時澆

戴得之

權之子
上舍

臧元孫

單德旗

賈萬金

孫震孫

錢保

舒渚

王安道

文貫
之弟

王自然

林霆

陳翥

林峻

陳諫

王良

休之
子

汪奎

汪翔龍

袁士復

蔣峒

施泰孫

琮之
姪

舒璋

琥之
孫

虞逢酉

敏求之姪
逢午之兄

林灼

寶祐四年文天祥榜

王應鳳

撫之子應麟之弟

趙若棋

羅雷發

黃震

劉應老

趙崇回

趙必聰

陳著

章霆瑞

卓雲

舒杭

杜夢冠

楊應霆

琛之姪宗卿之兄

夏己震

嘉之子

史即之

李國寶

余梅叟

鄭士洪

張虞

應埜

樓世仁

陳鼎

翦之子了翁之兄

李以秉

李璵

己未再對二等

林一枝

徐汝周

劉南强

史常之

馮懋

楊垌

琰之兄簡之姪孫

開慶元年周震炎榜

王復

于槐之子

蔣世傑

張興祖

胡從義

張源

震振之姪震龍之子

孫真孫

趙與昞

趙必衢

崇侯之子

張龍應

張霆龍

霆振之弟

章介甫

俞道明

蕭楠

盧天祐

史介之

李以興

樓極

胡機

樓森圭

張虞

羅季禹

李以圭

于巽

閔之曾孫

王寶之

蔣續

王桂發

鄭大津

桂壯孫

自序
卷六
景定三年方山京榜

方山京

舒津

王山甫

王一桂

沈淮

劉揚祖

張光

張大圭

孫惠時

張潤孫

沈芑

練晞顏

咸淳元年阮登炳榜

孫治鳳

樓岩

姚夢薦

李榘

林子宣

曹一新

王鏞

楊應翔

胡大浩

韓福孫

黃三接

葉夢牛

史蒙卿

徐斗明

陸覺

史唐卿

三學前廊賜進士釋褐

咸淳三年登
極循資恩

沈震孫

蔣元

趙必昌

咸淳四年陳文龍榜

臧壁

趙必祐

樓岳

咸淳七年張鎮孫榜

王叔龢

戴表元

趙孟何

仲高

咸淳十年王龍澤榜

蕭元澥

陳觀

吳化龍

王午龍

延祐四明志卷六